

“Zahvalnost na blagodati je garancija za njenu trajnost”




## 22. APRIL - DAN PLANETE ZEMLJE JU OŠ „ALIJA NAMETAK“ SARAJEVO


Na prijedlog bolivijske vlade 2009. godine, Generalna skupština Ujedinjenih naroda je 22. april proglasila "Međunarodnim danom majke Zemlje". Dan planete Zemlje prvobitno je ustanovljen 1970. godine u SAD-u, a širom svijeta se obilježava od 1992. godine. Ovim danom se želi pomoći čovjeku, da ponovo uspostavi kontakt sa prirodom, da se probudi svijest, odgovornost, osjećaj prema svim bićima.

Ukoliko ljudi ne budu obraćali više pažnje na očuvanje okoline, po tvrdnji naučnika, planeta Zemlja će ubrzo postati nepristupačna za život. Najveći ekološki problemi kao što su globalno zagrijavanje, otvaranje ozonskih omotača i sve veće zagađenje atmosfere, te efekat staklenika, upozoravaju na povećanje globalne prosječne temperature planete Zemlje, što utječe na podizanje nivoa mora, topljenje ledenjaka i potapanje dijela kopna.

Svakako da samo jedan dan nije dovoljan za dobrobit planete Zemlje. Svakodnevno se plasiraju informacije o ugroženosti naše planete, te koliko je loše tretirana od strane svojih stanovnika. Čovjek je zagadio vodu, zrak, tlo. Kako uvijek postoji način, da se riješi problem, tako bi se i prilagođavanjem postojećih industrijskih postrojenja evropskim standardima i korištenjem novih tehnologija, manje zagađivao zrak koji udišemo.



„BUDIMO LIJEP PRIMJER U OČUVANJU NAŠE PLANETE“



Svaki pojedinac može napraviti pozitivnu promjenu, tako što će smanjiti potrošnju energije u domaćinstvu, odvajati i propisno odlagati otpad, ne bacati smeće u rijeke. Ukoliko zaista želimo očuvati planetu Zemlju, znanje samo po sebi nije dovoljno, već je neophodna njegova primjena.

Sretan vam 22. april - Dan planete Zemlje

Direktorica Nerminka Hadžić